



16  
2559  
9



16  
2559  
9

鈔山堂集第三十三目錄

碑  
阡表

勅修棗林祖塋紀 恩之碑

嘉林阡表

慈德阡表

太子少保吏部尚書恭肅周公墓表

南東戶部尚書約菴周公墓表

贈尚書實菴胡公墓表銘

畜德發祥之碑

鈔山堂集第三十三目錄



名山集卷第三十三

序 阡表

勅修棗林祖塋紀 恩之碑

維我祖考純德府君既卒且葬之三十有八年其孫某  
 叨為 天子輔弼之臣既得 賜誥累贈府君少傅兼  
 太子太傅吏部尚書諱身殿大學士惟是先塋在故鄉  
 蕪陋久不治高謹具疏言臣少失怙賴祖教育成人臣  
 甫得第祖隨故彼因貧乏聊且營葬每圖改遷未能如  
 願此臣平生罔極之懷比聞塋被水嚙愈加徬徨弗克  
 寧處切念臣祖荷蒙 皇上推恩賜官一品而邱壠荒

穢有同民庶臣恒焉割中不孝之罪無所逃焉顧臣以職守未敢暫離卽欲改葬無可託之人伏望 聖慈察暫准男少卿世蕃回籍代理其事存歿感幸之至  
上曰嵩輔政有年勤勞素著伊祖驥著工部遣官造墓仍賜祭二壇不爲例而蕃 欽准賜假以行遣工部員外郎周薇董治墓役遣布政叅議方任袁州府知府徐顧 諭祭雨露之恩葬被幽壤山川草木俱有榮耀焉蓋今臣察父母授封者例得祭葬至於上逮其祖 卹與追賜則前無此比也于是蕃恭捧 綸命抵家用特 徑告于府君之墓始議卜地改葬而謀諸宗老謀諸

戚及鄉士大夫咸謂體魄安厝已久輕動非宜惟增拓規制修飭壞缺視塋後水所衝嚙之處實以厚土周迴續以崇垣中闢神道樹 訃賜之碑前作拜享之堂凡所建造一准 典制以丙午四月始事十月迄工闕壯遂回風氣完萃鬱然改觀矣蕃事竣還京臣父子詣闕下頓首謝嵩乃涕泣言曰嵩也不天早失慈父煢然孤童子也不自意遭際 聖明致位崇顯獲徵龍靈以示這崇其先豈嵩之能實賴我祖積德餘慶之所致也維我 高祖平菴府君位至方岳邁績儲休寔啓有家肆及我 祖蓄德行善志樂布韋不求聞達財讓諸父橫

不校仁厚惠施不可殫述語在汪太史誌中雖生平  
這一命未沾而褒大顯榮存加身後然則天道福善  
既久益章詎不有徵也哉惟嵩之弗類忝竊高位受  
上殊眷報稱未能徒感且愧謹敘述 鴻典爰識歲月  
勒諸貞石昭示方來世世子孫仰戴 天恩於無斁云

嘉林阡表

嘉林者嚴氏之先塋在焉岡阜盤旋林木深秀說者謂  
為吉壤故名曰嘉林云始自吾曾大父今贈少傅謹  
於斯弘治乙卯先君歿其年八月十五日祔于斯先  
君及後五十年以爲人 內閣纂贈至光祿大夫柱

少傅兼太子太傅吏部尚書謹身殿大學士初任履  
時先君贈太子太保得學士張甯川先生爲撰神道之  
銘迺今錫命有加迺再伐石樹墓上以昭 聖恩而不  
肖高泣血自爲識曰先君歿時不肖孤年前十六是歲  
嘗當大比提學甯問黃先生按縣既考預就試矣先君  
忽遭疾歿不起撫而語之曰吾期汝一第以成吾志今  
若此命矣又曰凡學不日進則日退業無墮於垂成志  
罔畫于自足即汝他日獲成吾志者吾目瞑矣言已漣  
然而泣嗚乎今尚忍言哉先君能詩善屬對性嚴毅弱  
冠出教童蒙諸生櫛楚不少貸不肖始能言坐置膝上

口授之書督課寒暑不輟不肖方斲書史皆成誦亦能  
爲文先君喜語先夫人曰惟教此子他不足計也乃益  
禮致良師訓之集諸學徒而館餼之費雖耗弗計鄉人  
羣驩誦之忌者計散其徒以撓敗之而先君志益堅先  
夫人忍貧助之亦無少懈鄉人鮮得異書間得一書手  
自抄錄伴習讀焉嘗曰世人恒市腴田以遺子孫吾惟  
遺汝一經用世澤物具在此矣因自號仰雲以見志焉  
乎此先君之爲教不肯如此也先君歷覽史傳常舉古  
人孝義事而功行之得一甘肅不表親則不先嘗處一  
弟犯過弗後其過惡而人所不爲者則族有急難援

恐後家無餘蓄而輟已以屬履之常如不及然性  
數面斥人過里中有爲不善者惟恐先君之聞之也人  
有售田者增直償之曰彼爲貧也多行善事而口不言  
曰所謂陰德者施於冥冥不求人知耳比卒遠近聞者  
嗟悼不置遠方遊士泣造墓下瞻禮而去者日相續人  
始知先君有隱德云嗚乎此先君之爲志行如此也豈  
也將何以克紹先德而敬承明訓也耶先夫人晏氏慈  
德淑行別有表蓋先君歿後三年不肯舉於鄉又六年  
成進士列官於朝初贈先君翰林編修加贈禮部左  
侍郎又贈南京吏部尙書又贈太子太保禮部尙書兼

翰林院學士五贈今官于是不肖孤泣而言曰古所謂  
賢人君子者非有甚高難行之事也惟以不失其良心  
克全夫天理民彝之正耳事親孝兄弟友待物仁臨財  
讓急困義無爲其所不爲能忍其所不可忍雖鄒魯上  
賢之至行不過此耳唯是數者先君寔九蹈之宜有貴  
位享遐福而年纔四十有三齋志以歿不亦悲夫雖然  
幸賴 聖天子推錫之典穹階顯號褒寵光大賁於無  
窮語曰爲善無不報而遲速有時信哉昔在乙未之歲  
不肖孤以南京吏部考績過家獲躬掃先塋稍加闢治  
距今又十有餘年以一品進命之榮刻之琬石而具列  
先君行義之槩以表諸阡以志夫小子嵩之遺世竊位  
幸有今日者皆仰承先君之遺云耳嘉靖二十六年歲  
在丁未四月旣望男特進光祿大夫柱國少師兼太子  
太師吏部尙書謹身殿大學士嵩謹書

慈德阡表

維我顯妣夫人之歿且葬距今三十有九年不肖出從  
仕塋域曠焉久弗治嘉靖丙午男太常少卿世蕃蒙  
恩賜假歸廼命以特牲告墓消吉鳩工畚土芟蕪闢其  
式廓壤樹封植增厚而勒石題曰慈德之阡旣不肖孤  
泣血自爲識曰夫人姓曼氏世家新喻祖諱大章以富

聞嘗出粟賑饑 聖書旌其門考諱仕望鄉里稱善士  
不肖聞諸宗老曰夫人來歸事舅姑盡敬養之禮爨饋  
必親執事必率先曰吾家婦也處妯娌無犯迕之氣取  
與必以讓待親黨敦睦姻仁恤之行惠愛必周恭惟  
先君孝友毅直動式古訓勇爲義而怯于利雖出至性  
抑夫人有相之道及佐先君教不肖歷艱匱之苦不幸  
先君見背撫其遺孤含茹辛楚抱筑疾之戚當此之時  
親屬橫侮屢至夫人但安受曰蒼蒼者俟其定也不肖  
孤免喪踰年幸領省薦夫人悲不自勝曰先君弗及見  
也及上春宮縉戀不忍別母于相持悲泣見者爲動既  
幸舉進士入官翰林迎夫人就養居二年以先祖之喪  
歸歸又明年而夫人疾奄至大故荐罹酷罰呼天之痛  
無所及焉夫人慈愛異甚當疾革尙慮傷子之懷給以  
少間絕時盼睐者久之嗚乎痛孰甚歟夫人生正統丁  
卯二月二十九日卒正德己巳六月二十五日得年止  
六十有三以明年庚午八月二十八日葬于里社下金  
鈎形與先君嘉林之阡異兆而相望先是霖雨彌旬當  
塋之日白日杲杲塋畢雨復如初夫人以不肖貴仰荷  
聖恩推錫累贈至一品夫人然念少也孤雖得祿仕先  
君弗逮養母雖逮養弗久且初仕而貧卒之日無以爲



欽不自意叨竊至今日受 上恩渥祿賜豐盈飫其家  
人昔范文正公有忍令若曹享富貴之語予同其情焉  
爰述斯文以示子孫以志吾終天之哀其諸懿行見予  
侍讀徐南峰先生所述誌則不復書云嘉靖二十六年  
歲在丁未四月既望男具官嵩謹書

太子少保吏部尚書恭肅周公墓表

太子少保吏部尚書周公以嘉靖丁未正月二十九日  
卒于位 皇帝既加贈太子太保議謚恭肅賜之祭命  
以其喪乘傳舟濟而歸已又遣有司治其墓地于是嗣  
子國南乃請予表其隧公之爲南司諫也蓋致其政以

數年矣其復起而爲司治也于濟俄兼右都御史而  
督漕于淮當是時 聖天子初大計朝吏之治而汰其  
不肖者而都察院吏部實柄其事于是召爲左都御史  
掌院其明年合凡京朝官聽察其賢否去留之而公則  
欽承 聖天子明命詳爲廉覈留其賢者而降黜其不  
肖者天下翕然謂至公至明而吏治一清又明年進家  
宰掌銓而大計天下之吏亦然然爲宰纔兩閱月以疾  
告遂至不祿天下惜焉公世吳江人諱用宇行之初舉  
進士授行人以材掄爲南京兵科給事中丁外艱服闋  
改禮科遷廣東叅議浙江按察副使丁內艱服闋改山

東臨清兵備尋遷福建按察使河南右布政使拜都察院右副都御史提督軍務南贛居二年召管院事未幾陞吏部右侍郎轉左以誥誤調南京刑部右侍郎明年轉南京都察院右都御史管院事陞南京刑部尚書會廟災自陳致仕乃復起而至正位冢卿前後歷官蓋四十餘年所蒞有茂功馨名其詳具狀誌予不論論其大者正德間天下所疾苦莫如逆豎妖僧然時方用事氣勢薰灼人莫之敢嬰公獨抗疏諫迎西番法王及劾中貴人擅政不法乞貶竄以謝天下處嶺以南最久蓋人人有父母之愛番禺盜作亂親履行間督兵勦之級幾千號有大蹟然盡縱其所獲醜類之可疑者而不肯妄戮一人以彌千級之數又見其寮坐未有首功當免輒以已所斬級投而掩之以故公蹟不見旌于朝而物論則歸之臨清多盜公諭使相首免罪而盜以戢又抑鎮守中貴人橫征傳給民賴其便洛中大饑公爲方伯清戎責不在已然急民之窮不忍安坐以視則爲躬循閭閻設方畧賑而活之盜聚汀贛之間爲患積歲公至不急捕告其屬各務澄其源旣緩稅蠲逋而德化四流于是盜黨自悔欲來乞生公因召令自翦其強不悛者而盜悉平民之得所與否大抵保守令歲遣臺臣出按苟

不舛于揚激則守令得而民安矣公掌臺獨切切以誠  
臺臣故事太宰掌銓少宰噤不與謂大體當爾公獨脫  
去常格忘已以相質斬必當乃止故其所藻鑑無不合  
于輿論公素鮮嗜欲官藩臬時卽獨居不以家隨是以  
既老益強凡享年七十有二曾大父景芳大父瑄父昂  
皆不仕而大父父則以公貢贈資政大夫右都御史二  
妣皆贈夫人配施氏封孺人加贈夫人子四人國南右  
府都事兆南太學生式南乾南縣學生孫男八人孫女  
二人公有至性少時父母疾言到股進愈之而絕不以  
言及後居一喪哀毀逾禮終一載不備酒肉端慈自持  
不苟笑言自饒甚廉自奉甚約誠可稱篤行醇德君子  
矣予昔在吏侍於公爲寮寮雅相愛以道義交也墜土  
之支雖微國南之請予將爲之然不腆之辭奚足爲公  
重哉庶以識予悼慕之情云爾

南京戶部尚書約菴周公墓表

太子少保南京戶部尚書約菴周公以嘉靖丙午八月  
八日卒明年丁未月日塋其塋也詔遣官諭祭營兆域  
孤保其贈易名有謚于是公之子督府都事仕請余書  
其墓道之石公諱金字子庚約菴其號也其先周平王  
子封於汝以國爲氏至晉荊州刺史訪始家於常州國

初公會祖彥居以間左起克實京師遂占籍金陵公既  
貴乃復居于常祖道信考廣實皆累贈如公之官妣贈皆  
夫人初公以正德戊辰進士釋褐卽拜官瑣闥美資茂  
植膺受殊選更工兵戶三署多所建白咸切事體中機  
宜若征寇方略及將士賞格皆見施行有都督馬昂者  
進女弟宮中公抗疏論之竟得旨黜昂罷其女中貴人  
以迎佛監織暴橫而諸邊鹽引奏討殊濫又武學生請  
更考察制並列狀刺其違繆無所回疑又數請臨視常  
朝總攬權綱及汰冗食募丁壯言雖不盡用時論偉重  
矣遷貳僕西晉參臺憲出海延緩公乃招徠商粟以和  
勸督墾田以賦稅因地築渠以通水利慎險望繕城  
守績用大著復晉左副改巡宣府大虜壓境親獎率將  
士畢力禦之捷聞有白金文綺之賜已而以病告家居  
者六載復以虜患詔卽家起公巡紫荆等關公練暢武  
機備禦詳嚴虜以不害入爲少司馬遂陟長中臺往督  
漕運章聖皇太后梓宮南榭渡淮衆議由陸不決得  
公力主從江之利而定改留曹大司寇復改司徒歲乙  
巳乃以老得請歸明年遂卒享年七十有四配吳氏封  
夫人子男二長卽仕其季偉也公志度倜儻詞藻清敏  
而特有政事才觸之微隱而析慮克周投之難遽而注

措無撓自始仕至登八座凡更十二秩三十有八年而  
居財賦兵戎之司爲多經綜之密制置之詳識辨履霜  
斷收迎亦所至安其惠利衆務罔不成集此皆當世若  
子所睹記也故茂烈勤於王室閔略著于邊陲聲名流  
衍于無窮有不待表而後見者然老成淪喪著蔡無從  
斯重可惜也故爲著其大者使表之墓上

贈尚書實菴胡公墓表銘

實菴胡公生洪武之丙子歿景泰之乙亥距今閱九十  
餘載矣其善積慶流自天申錫以有今南京兵部尚書  
南山公起家甲科敷歷中外勲望卓偉爲世鉅卿而胡  
以顯大語有之百歲種之以德觀於實菴公詎不信哉  
公諱崇信以字行江西南昌人也世居鳳凰坡下考曰  
彥良以居積富公善繼承多積而能施往往與人緩急  
聞義輿欣然從之嘗歲歉發粟五百石貸饑者例得冠  
帶及樹牌公謝曰行義而媒利非吾志也鄉人誦以爲  
賢生有至性事父母安其孝樂與高人處座客常滿雖  
座客常滿燕會止清談相樂戒勿作伎樂戲劇之事未  
嘗忤物終其身不與人訟時里士曾一本有重名慎許  
可乃獨稱實菴公之賢雅相契厚所居窻几明淨器物  
古雅焚香瀹茗琴書自適忠厚質朴以韋布終今尚書

之篤厚清純悃悃無華其觀法家庭蓋有自也嘉靖乙巳朝廷推恩贈實菴公資善大夫南京工部尚書配吳氏贈夫人子曰仲倫累贈亦尚書孫男三人長卽尚書曰訓由進士授行人歷御史僉事叅政積至今官以六載考績特恩加太子少保次日詔將樂縣丞曰誥安寧典史曾孫十四人長曰溥國子生次文清縣學生淳驛丞文光文淵俱縣學生瀾洛沔洲浹淮汴汴立孫七人長曰時次曼中丙午鄉試景曉暉暘景予嘗觀于史傳王烈當漢中興辭榮不仕躬耕以老至其孫祥覽而世始大實菴公生當我 明興運應運自甘厚積不施以

發于其孫矧曾玄繁盛福履悠長胡之顯大非偶然爾矣將不韻頌匹休王氏耶始公之歿也墓未有表至是尚書以考績入京具狀屬予書之以刻于墓上之石墓在南昌之灌城鄉塔子橋銘曰

胡始肇姓出自有虞而家豫章代業文儒於惟實菴秉行貞孤神秀內蘊忠信外孚享不酬德竟老一隅鄉有公平百歲範模有偉賢孫才爲時需旣掌邦土復典兵樞濬哲發祥如水斯濬如彼巨幹奕葉弘敷匡阜之南爰有重湖高岸崔巍水抱山紆德人之藏過者式諸

畜德發祥之碑

少宰學士泰和歐陽公以歲辛丑葬其考巖溪翁于萬安之獅嶺又十年庚戌奉其妣蕭淑人合焉則斲石于墓前之享堂篆其額曰畜德發祥初公舉進士守六安奏績得封翁如其官四言者 誥中語也公自六安陟南部已而徵入翰林爲史官爲國子司業祭酒以至今官掌詹事府又得贈翁及祖考如其官妣皆淑人蓋至是天恩褒寵彌極隆渥矣公旣以是名其碑而走書京師請予爲之文易大畜之象曰君子以多識前言往行以畜其德其卦之詞曰不家食吉利涉大川則知懷博聖者積兼濟之猷乘淵懿者存時出之用志得于漸鴻則楊輝天陸道行于遇雨則沛澤寰宇所謂畜則發理也其或遜志殫于墳籍篤行邁于里閭井渫弗浚而川導其澤嘉木隱谷而榦達其榮所謂不在其身在其後人亦理也巖溪翁豪宕而不羣警敏而力學佔畢以呻日能累牘灑毫所就立可千言給廩寓庠有聲鄉校生徒從業濟濟及門數竒弗售恬焉而隱且早失所恃篤涓陽之情孝事繼母無履霜之詠讓產迎兄則趙彥霄之恭還橐焚券則劉永一之義里人相卻喻之以理景王烈之風嗣子入仕督之以廉慕姚璿之美此非所謂能識前言往行而體諸身者耶是以少宰公夙擅庭芳

蔚稱邦彥守牧著績侍從升華虎觀橫經 儲宮翼善  
清階躋九列之崇寵錫被三世之命而彌綸贊襄之業  
方起未艾巖溪翁雖榮不自躬而顯融光大自少宰公  
發之所謂不家食吉利涉大川允合乎畜之道也已  
皇綸所褒豈不有徵哉系之詩曰

維天眷德厥惟有常道積施溥德厚流光或躬弗逮迺  
亂而昌翼巖巖翁質稟英茂涵泳學海翱翔文敷兩校  
著聲一第弟偶行孚黨里孝義實敦迪子以道罔惑群  
喧規仕諄諄廉仁之言爰有好迷克儼厥德勤儉慈惠  
闕家有則實啓哲嗣邦家之特政邁方州才雄詞苑  
雍作程宮層視篆秩副銓衡望隆台鉉再世三命 皇  
澤演迤猗歟德人天實佑之褒詞隆奕 皇則昇之孰  
云作善而過其施如彼佳植碩茂其枝如彼源泉百穀  
以滋永耀無極視此銘詩



山堂集卷第三十四目錄

神道碑

明故光祿大夫柱國少保兼太子太保吏部尚書

謹身殿大學士贈太保諡文簡毛公神道碑

明故光祿大夫柱國少保兼太子太保禮部尚書

武英殿大學士贈少保諡文靖賈公神道碑

光祿大夫柱國少保兼太子太傅禮部尚書武英

殿大學士贈太保諡文康顧公神道碑

大學士石門先生翟公神道碑

榮祿大夫太子太保禮部尚書兼東閣大學士贈

少保諡文簡張公神道碑

光祿大夫柱國少保兼太子太傅吏部尚書文淵

閣大學士贈少師諡文簡許公神道碑

山堂集卷第三十四

神道碑

明故光祿大夫柱國少保兼太子太保吏部尚書

謹身殿大學士贈太保諡文簡毛公神道碑

東海之上岱岳之墟融結郁勃含靈毓萃乃生元臣以

佐大君惟東萊毛公蜚聲臺閣定策中興祿位巖崇名

壽鴻顯其在 孝廟擢穎詞垣簡侍東觀羽翼啓導蔚

然公望其在 武廟歷踐省署荐履台衡正色直言匡

扶鼎社 今上皇帝神聖明睿褒隆勲德宸章備其掄

奩大賚焯于始終二十四年乙巳六月六日以疾薨于

至第之正寢享年八十有三訃聞 天子震悼恩卹隆  
備迺有仲子太僕卿渠纍然在疚遣使託嵩銘諸墓道  
公姓毛氏諱紀字維之世爲東萊掖人曾祖伯全祖福  
英隱弗仕父敏舉鄉薦教授杭郡學俱贈光祿大夫柱  
國少保兼太子太保戶部尙書武英殿大學士妣俱贈  
一品夫人公幼則侍父於枕篤志力學弱冠舉丙午山  
東鄉試第一丁未第進士入翰林讀中秘書授檢討同  
考丙辰會試陞修撰克經筵講官選侍東宮講讀賜五  
品服修大明會典書成陞侍讀賜給驛歸省再同考乙  
丑會試 武廟卽位准左春坊諭德兼侍講賜金帶丁

交艱服闋值逆瑾竊政削其春坊銜 孝廟實錄成陞  
侍講學士克日講官尋陞學士擢戶部右侍郎禮部左  
侍郎丁母艱服闋改吏部左侍郎陞禮部尙書掌詹事  
府事賜玉帶時遣使西域齋番供公奏言西番佛國遠  
在數萬里外 祖宗朝雖許入貢賜法王國師名號特  
藉以羈縻番衆令不爲邊患而已齋供媚之失天朝體  
又以儲嗣未建疏乞早定大計以學士司誥勅仍掌府  
事賜麒麟服蟒衣繅環繫帶等物于是勅兼東閣大學  
士入閣供事隨加太子太保文淵閣大學士賜蟒衣斗  
牛服錢寧等數導 上巡幸會逆濠之亂倡親征議 上

御文華殿宣內閣九卿科道官于左順門傳旨促令撰  
親征詔公等力言不可免冠伏地泣諸司皆泣 上諭  
各官退復降手勅欲出師自稱威武之號公奏言人君  
爲天下主不宜自貶下同臣庶 上意稍悟三載考滿  
加少保武英殿大學士 畢駕幸宣大駐蹕居庸公力疏  
請還未幾卒以征濠議南幸公等奉勅若守憂勤備至  
懇請回鑾章數十上 武皇晏駕公等密疏請於 昭  
聖皇太后決策奉迎 今聖天子入承大統于是逆彬  
統京營邊軍及錦衣衛 校威焰特盛禍機叵測復密請  
懿旨先擒彬黨令邊 官校各散歸中外始安 皇上

入登大寶開經筵勅

知經筵事纂修

武宗寶錄命

克總裁宴賜蟒衣玉帶銀幣 上念定策功勅封公等  
伯爵疏辭改廕錦衣一職世襲又改廕文職五品 上  
引前代漢文加封平勃等功及我 成祖封尙書茹璫故  
事俾勉承恩命天語懇至皆力辭免六載考滿改吏部  
尙書謹身殿大學士 上召公等至平臺議廟號稱謂  
衆久不決公以疾面陳乞退 上知其志決疏入乃允  
致仕命有司給月米夫役陞辭賜白金綵幣寶鈔公旣  
歸臺諫累疏奏請起用山東撫按官奏公年登八十詔  
賜羊酒存問仍加給夫米等數甲辰太僕君以公年高

乞假歸省 上特許之居無何而公訃至矣距生天順  
 癸未七月十有七日享年八十有三配官氏累封一品  
 夫人前卒子男六長葵順天府推官次槃戶部員外郎  
 次槃和州知府次渠太僕寺卿次業次集左府經歷女  
 二長適按察檢校劉潮次思南知府李光祚孫男十一  
 人延照延魁延厚延慧延清延年延玖延祀延太延康  
 延慶曾孫男三人公器宇凝重燕居無褻容素不言人  
 過不妄交際士夫至萊者必造其廬第以刺答之而已  
 平居手不釋卷老而愈篤作文渾厚典實一根于理所  
 著有鰲峰類稿密勿稿辭榮錄聯句私抄歸田雜識

于家嗚乎公位極人臣年躋上壽諸子接武仕籍豈天  
 獨厚之耶抑公盛德承休而百順自鍾焉耳夫仰述前  
 修用彰國紀以鑒示將來史臣職也後學者之責也嵩  
 乃為銘曰

世履承平優游廟堂謹守畫一中智可當比時艱屯鮮  
 不仆僵猶嗟毛公社稷之望養德初筮循性中行講幄  
 進規直言琅琅逆豎恣睢不柔不剛隨事周旋與道弛  
 張佛供有表儲建有章蹇蹇諤諤為龍為光台輔既陟  
 群孽方猖駕言親征以逞民殃公諫不止爰持其綱居  
 守兢兢六典有常庶幾弗墜以勸以劬辛巳之變羣心

惶惶密勿決策奉堯于唐大明御天群陰伏藏功成不  
居鴻飛冥翔大耋踰壽綠野徜徉厭世長歸白雲之鄉  
東海之濱松檟蒼蒼有鬱佳城公魄永康

明故光祿大夫柱國少保兼太子太保禮部尚書

武英殿大學士贈太保諡文靖賈公神道碑

今上皇帝入嗣大統疇咨元僚興致化理維是少保大  
學士賈公以宿學重望簡致左右數召見諮問平臺讌  
對親灑宸翰賜詩褒諭公年六十四以老請詔給驛以  
歸歸二十年癸卯之冬年八十河南守臣以聞詔遣  
官存問加月廩歲夫又四年丁未之秋公以疾終訃聞

詔贈公大保賜諡文靖賜祭營葬 例 上之所以優

禮元老大臣者恩禮始終而公可不謂希世之遇哉公  
之嗣孫中書舍人喈以墓道之文爲請昔在弘治乙丑  
公同考禮闈高實蒙選錄旣官詞林歷監部暨入內閣  
皆公所踐歷之地典型在望風概如存樹石勒文以表  
諸神道非嵩則誰宜爲謹按公諱詠字鳴和河南臨潁  
縣人也初舉弘治己酉河南鄉試第一丙辰登進士改  
翰林庶吉士授編修充經筵講官公儀觀秀偉長身玉  
立識者知爲公輔之器以忤逆瑾改爲兵部主事稍遷  
禮部祠祭員外郎瑾誅還公編修尋遷左春坊中允兼

修撰轉侍讀學士掌南京翰林院拜南京國子祭酒故  
學諫官御史有缺選國子博士等官克之而南監每不  
得選公疏以南北一體宜稍采擢以勵有志詔可爲南  
祭酒二年轉北祭酒而父樂菴翁年九十有五公便道  
歸壽其親于潁上潁人榮之遂畱潁擬疏奏終養而父  
以疾卒服除會 上登極擢爲禮部左侍郎奉命詣承  
天恭上 皇考獻皇帝尊號賜白金文綺改吏部左侍  
郎尋兼學士掌詹事府事專管誥 勅纂修武廟實錄克  
副總裁官居數月晉禮部尙書兼 文淵閣大學士恭頌  
實錄成 加太子太保武英殿 大學士尙書如故復

修 獻皇帝實錄 成加少保光祿大夫柱國屢被駁焉  
金幣寶鏹襲衣玉帶麟蟒飛魚之賜公在內閣端嚴持  
大體然數抑貴倖如奏止中侍奪牧馬草場不得與貧  
民爭利勅貴諸薊州莊田復奏罷之皆以公有古大臣  
風然當是時方更化興治士皆喜趨事功好紛華而公  
更醇德雅度挈綱絰元納之太和不爲聲聞其所匡維  
調護甚多人不及知也要其悃愾厚卓然稱鉅人長  
者而落落不苟合在位二年竟謝去雖不究厥施而脫  
屣榮名田野詠謌有洛社之風焉公性耿介初在翰林  
惟局門讀書不從同社宴遊爲文章純雅暢達無艱深

險僻之語嘗同考會試主應天鄉試及武舉試各一又  
主考會試片程文一出天下誦之所取士徧列中外至  
今稱得人雖老猶著作不倦耳目益聰明四方求文者  
踵至揮毫運思斟酌如平時居鄉抑畏真坦若未嘗居  
顯官者歲遇三節必朝服躬詣縣庭行禮且起入家廟  
焚香再拜薦饗必頓立義田義塚以仁其族先世遺產  
盡讓其諸兄可謂篤行君子者矣公生天順甲申十一  
月六日卒以嘉靖丁未八月三十日享年八十有四曾  
祖諱景山元季行省叅政祖諱彬考諱瑛三世皆贈如  
公之官妣皆贈一品夫人元配張氏累封一品夫人繼  
室趙氏公初有子曰葵曰萱廕補國子生皆殤今以從  
子芳爲後芳子暉廕授中書舍人女五長適舉人王偁  
次周府奉祀梁汀次李森次王廷次谷袞孫女三長適  
趙中次陳二典次皆芳出曾孫男二鑰曄之子以公歿  
後廕爲中書舍人至是芳等以某年月日葬公勅修董  
村之阡嵩乃掩涕而爲公銘銘曰

維賈之先肇跡膠東天祐聿起世績戎功桓桓行省始  
徙穎中篤祐流慶以待於公維公挺生河洛之秀神明  
內蘊淵穎天授發解鄉闈蜚英文聞晚膺爰立機政是  
司洵美且仁麟儀鳳師如何勇退曰惟止足身退名完



不可以祿亦既歸止貝次之陽綠野平泉樂壽且康進  
作舟霖退爲綺皓自天祐之福履壽考公神不昧上返  
列星遡瞻元德慨想儀刑後有考者視此刻銘

明故光祿大夫柱國少保兼太子太傅禮部尙書

武英殿大學士贈太保謚文康顧公神道碑二

國家設科取士得人爲盛然登廷魁至宰輔者凡七人  
若文康顧公其一也聞諸故老言 孝宗敬皇帝乙丑  
試士日于宮中焚香祝天願得真才是年得顧公爲進  
士第一公儀狀瓌奇風格峻偉觀者謂爲公輔器公諱  
景巨字九和菴之崑山人也授翰林修撰未幾 孝廟

上賓以修實錄成陞 講再轉春 功諭德歷十餘年

今上卽位首被知遇 侍經筵日 講官進學士 上 懋

崇聖學日親儒臣討論經史公因進講宋儒范浚心箴

敷陳剴切 上注聽嘉悅諭輔臣曰鼎臣解說心箴朕

思味其意甚爲正心之助 上廼親灑宸翰自註釋心

箴又註視聽言動四箴及製敬一箴勅翰林院國子監

及天下學校建亭立碑鐫刻五箴以示學者實公之講

心箴啟之也 上又曰洪範一書于帝王爲治之大經

大法實爲親切令鼎臣分段計日從容論說必使盡其

所言以爲務學求治之助復慮詞訓繁多命公撰次節

略以進舊例每寒月免講 上以洪範未終篇乃不輟

講詔免公常參專直講讀 上奉先聖先師位祀于文

華殿東室而數御西室召公等十臣令敷奏經義公撰

中庸首章講義以進推言人君致治期臻聖神功化之

極不可安於小康 上稱善 上於西苑作無逸殿成

命輔臣及公坐講周書 無逸篇陞詹事府詹事仍兼學

士賜一品金織仙鶴衣 上親耕籍田特命與九推延

臣莫不動色悚嘆謂 上寵異儒臣如此自是晉吏部

侍郎 禮部尚書俱掌 詹府事兩被 旨教庶吉士于

翰林故事用官一員獨 文簡命自公始也公雖職在文

翰數奉 召對預密議 簡在 聖心詭久執政有不樂

公者數沮其進用戊戌 八月始勅公以太子太保尚書

兼文淵閣大學士入贊 機務眷遇彌隆被賜宸翰經籍

銀幣玉帶麟蟒飛魚之 服多不可悉紀己亥二月加少

保兼太子太傅進武英 殿大學士 車駕將幸承天勅

公居守京師公條奏軍 國重計七事 上悉從其請賜

印記一其文曰經緯首 選 上曰卿講幄舊臣久懷經

濟朕茲重寄宜欽承之 公翊輔 皇儲持挈綱維京師

肅然然以馭下過嚴致 有煩言再疏乞休荷溫旨慰留

明年感疾久不瘥 上屢遣中官齎手札賜問以太醫

往視賜藥劑牲米諸物疾革陳遺疏勸 上親賢圖治

頤養聖躬詞誠懇篤降 詔褒答而公竟卒庚子某月

某日也享年六十有八訃聞 上軫悼賜祭葬如制贈

太保諡文康遣行人護喪還公傑特有大志留心經世

隨事獻納多見采用嘗請訪求魯子之後以奉其祀大

同軍變請誅止渠魁以安人心四方郡縣多奏水災疏

陳生民困窮之狀請遣使賑卹而公生長東南見財賦

日蠹民力日屈則三舉奏焉晚歲履政府將大有為然

僅二載卒于位時論惜之云曾祖諱大本祖諱良考諱

恂三世皆累贈如公官妣皆贈 夫人配朱氏累封

一品夫人四子長履方舉 履方履方履方履方履方履方

人謙亨尚寶司丞次謙益餘三尚幼童孫男五咸稱 履

平咸康餘皆幼履方等以 年 月 日葬公于震澤

潭山之原未幾履方亦卒于是謙亨以神道之文來 謙

於予予舉進士附公榜末同館居幾三十年同時儕輩

凋謝殆盡嗚乎予豈忍遂銘公之墓耶蓋予嘗感于君

臣之際矣明王非得賢無以弘其德並士非過君無以

顯其功洪惟 皇上天縱聖資繼熙帝學而公以名儒

職勸講啟沃之功懋焉 淵衷孚契始終褒榮君臣相

遇于是為盛則予豈得不銘公之墓耶銘曰

金華先生集卷之四  
一  
截彼潭山震澤之滸孰崇其封顧公之墓公起倫魁躋  
位丞輔嘉靖初載 聖學日新便殿時御列侍儒紳公  
執經史婉切敷陳 帝聞而嘉賜札褒美曰茲正心庶  
助予理蹇蹇顧公可屬大事遂與機衡以相 天子撫  
誠納誨陳力宣猷如室作棟如川作舟 孝皇之遺視  
古豐芭逮事 今聖允諧魚水虎闈講藝宣室論思公  
所遭逢千載一時士生于時莫難遇王矧惟 神聖豈  
倖可致叙列初終以告來世

大學士石門先生程公神道碑

故少傅兼太子太傅禮部尚書謹身殿大學士程公

嘉靖丙午某月

日卒于家明年某月

日公于進

汝儉汝孝錦衣千戶汝敬等奉極塋于都城崇文門外  
樓子莊祖塋之次而屬嵩書諸神道之石公諱鑾仲鳴  
其字學者稱爲石門先生其先山東諸城人也曾祖諱  
吉勝起人材而隸勲衛祖諱順因扈蹕而積勤勤考諱  
瑄義重神都各高閭左三世隱德以公貴皆推贈如公  
之官妣皆一品夫人公姿體凝重巋若山立問學成于  
迅昂素履安于隱約屬弘治乙丑策士特占上第拔處  
木天陪遊虎觀正德間逆豎竊柄一時文館雋流多被  
斥逐公由編修改司寇屬已而光復舊物荐升華貫校

又彰得士之休修史得纂言之體公素明經術選侍講  
幄莊粹著于儀容清暢發于音吐 聖心簡在重瞳屢  
回遂由侍讀拜翰林學士尋陟少宗伯宸眷眷隆金甌  
卜栢霖雨需賢擢吏侍兼翰學入內閣預機政于時館  
寮咸有爰立之望而公獨膺特達之知既進大宗伯兼  
文淵閣大學士位列公槐文參視草平臺召對後苑命  
遊賡喜起之歌泮蕃慶之錫至銀文圖書之賜有清選  
學士之稱屬以內難解官持服雖三年不過君命而元  
重每注 皇情比及大駕西巡卽家拜命授欽行進士

河湟北踰代第石崑崙 聖事通歷燕然瀚海榮

遙臨方同尙父之鷹揚旋屬召公之篤棊還闕拜恩勅  
公仍以太子少保禮部尙書兼武英殿大學士入閣辦  
事天顏密勿造膝日勤聖眷優隆論思時切是歲壬寅  
上念公勤勞加光祿大夫柱國少傅兼太子太傅公  
自正德丁卯授秩詞垣惟守制數年暫居家食 餘皆班  
聯仙筵職典台司仕四十年官從一品寶翰奎 又屢承  
天藻金幣蟒玉疊賚秘藏寵遇之盛茂以加矣甲辰解  
政歸第方怡水月于平泉丙午寢疾夢楹竟攝星辰於  
箕尾距生丁酉享壽七旬同志倍傷朝紳咸悼嵩也早  
依瓊樹同沾賜第之榮晚附青雲叨陪樞席之末顧茲

露其先晞奄木稼而遽作典型徒遠風範攸存爰勒貞  
珉爲紀豐德樹之墓道俾詔來禩云 銘曰翟起有家  
青海之隅爰從豪右內徙神都星精示兆嶽降應符龍  
公挺生聿起文儒學海淳滄文鋒迅驅早陪庶列荐臨  
榮途鵬運滄海鳳鳴高梧 帝簡良弼召贊訶謨爰藉  
鼎鉉遂執衡樞精白彌勵勤誠弗渝奄忽何之 人云  
徂長川東逝落景西晡仡仡高墳都城之壘 考集  
永示弗誣

明故榮祿大夫太子太保禮部尚書

士贖少保謚文簡張公

嘉靖乙巳八月十九日太子太保禮部尚書

士南郡張公卒于位訃聞 上深軫悼命禮卿

曹營葬遣行人護喪歸其鄉贈少保賜謚文簡

可謂始終榮遇者矣公疾革遺言吏部侍郎龍

爲狀少傅許公爲銘而屬書諸神道之石

省閣寮案之誼有鏃礪括羽之益其奚可辭諸

諱璧字崇象世家南郡石首曾大父必順大父子言

天順庚辰進士歷官廣西按察僉事父維舉鄉薦歷官

山西叅政俱累贈如公之官曾太母王氏大母呂氏

王氏俱累贈夫人公蚤擢省闈屢試南宮不利則益

力問學晝夜探索僑寓京邸起居服食人所不堪時學士劉五清汪石潭有聲詞垣公皆師友切磨二公每語人曰是當鳴世才也辛未舉進士選翰林庶吉士授編修文望益起甲戌乾清宮災公上修德勤政講學三事壬午今上龍飛首開經筵公與進講器貌端肅儀矩偉然敷陳古訓明切時司寇林見素以事待罪公講君使臣以禮有耆德舊臣當加敬禮之語王為之改容乙酉被命以宮論出典南畿文衡一時髦俊多在甄錄戊子丁大叅公憂郵典加厚命給驛還初公之入

翰林也大叅翁時宦山西西入賀萬壽節謝政歸田

每圖歸省翁進書止之曰勉事職勿以吾為念故公雍容館閣颺歷清華纂御文司綸誥主考禮闈勞績懋焉庚子南京大宗伯員缺詔下廷推至再凡得四人以請上特授公公廉謹自持於凡宿弊剪除而振飭之癸卯召還北部適議建太廟群論紛紜公酌議以對制遂定欽天太醫監院率多冗員順天鄉舉舊多冒籍公奏覈去五十餘人宿弊一清會內閣缺員公與河南許公一時並用人望翕然頃之公病瘧不能視事上遣御醫診視中使齎賜粥米牲豚諸物存問疾竟弗已卒于宣武里第享齡七十有一惟公荆衡標望棊迪舊耆

德性醇厚器宇凝重恂恂與物無競天下稱爲長者而  
期其大用以弼成休養惇大之治而溘然以逝士論惜  
焉自講筵迄于拜相其間白金文綺銀瓢錦袋及經籍  
之賜多弗可悉紀累荷遣祭分獻代拜陪祀之命而賜  
見皇太子於臨保室尤爲異典云元配黎氏繼配黎  
氏俱先卒贈夫人今配趙氏公卒後具疏上請亦得  
給封夫人公初有子天麟廢補國子生年二十八卒公  
哀痛殊切乃以弟瑤之子天鷄爲嗣又以族子天與之  
子世亂爲天麟嗣仍奏補廢女四長適太學生袁本初  
次適濮州知州李炯次適恭將馬金子呈國次適知縣  
劉橋子承嗣公柩既歸將以 年 月 日與黎夫人  
合窆于邑南之馬鞍山予既論次其世及撮公德美之  
概且大者而復系之以銘其詞曰

巖巖衡嶽旣巍其巔雄鎮南紀峻極于天大江來荆瀆  
秀炳靈流匯環峙人傑蔚興文定台鼎文僖宗伯功業  
比隆後先有赫俾哉張公學本家傳沈酣經籍文望蔚  
宣粵在太史衍衍雍雍秉筆不阿獻納惟忠 聖明御  
極首重講幄公忝其間格心啟沃甄才南畿程別罔遺  
驪彩兼收天馬呈竒旋掌邦禮公位荐起聿新政教振  
飭綱紀兩都荐歷績用有成綸章特下再擢台衡公居



台衡靖共爾織赤舄從容小心翼翼 帝眷孔殷忽頽  
梁木 天子震悼卹典攸篤於惟張公揭德振芳遠紹  
前躅躋于廟堂重厚淵弘不見其涖彼謗謔者疇能與  
似文岡七里維公之原豐碑勒銘過者式焉

光祿大夫柱國少傅兼太子太傅吏部尚書文淵  
閣大學士贈少師謚文簡許公神道碑

嘉靖戊申七月二十五日前少傅大學士許公卒于家  
先是乙巳冬公遭疾乞骸甚切 上慰留亦甚切乃連  
疏懇辭 上不悅曰少傅輕去朕耶其奪秩令歸公行  
而病增劇既還里復延二載竟用舊患弗起又四載弱

諱侃迎 親藩之議詹啓許銓部 公病歸顛末 止

紳劉永昌之誣詆省閣皆事關國 公官仍贈少師賜祭  
司恐習失措公從容裁決持法甚 不獲已之情 皇上  
從之而縉紳賴以安改戶部尚書 請予書諸墓道之石  
各府小灘有奏改他鎮者公曰利 以辭公諱讚字廷美  
役劊署勞費且十倍勿改便又有 為兵馬元帥西征遇  
以多寡為殿最者公曰預備既有 聚生太子少保吏部  
徒增苛歛勿從便兵部議興甘肅 娶于高生公性警悟  
公曰兵弱虜強士不得耕徒損國 年登進士授大名府  
循舊則數報罷新議曰毋徒徇名 公例當避臺秩廼改

疏陳諸弊列通商事宜皆經久可已附誣以他事矯  
 乞終養不允令給驛歸省高卒哀襄毅憂服闋陞浙江  
 書廷推數人上皆不許 詔特起督學政至則先德行  
 乃首疏決壅滯公薦舉復久任停政按察使浙江左右  
 競濫陞之習 上皆嘉納六載考拜尚書是歲議郊禮  
 册天禮成加少保扈從 聖駕南道也合祀者通功用  
 聖躬 上褒答勞錫之辛丑 廟淵德請慎茲大典先  
 詔許致仕給驛歸 上雖從公衣指揮施恭恬權端  
 缺尚書廷推數人又不許仍起公 屬公訊理權者日偵  
 政及上安邊方略 言以上 恭重典當是時復有  
 子慎起復來京師乃始上疏告計之詞張紳之薦劾  
 嗟悼曰少傅果非負朕者乃悉復 紀連及大寮甚衆諸  
 葬謚文簡恩禮備厚蓋至是而公平務存大體 上悉  
 眷不忍釋之意益章章焉乃慎則河南軍餉舊兌于大  
 予與公同在秘閣交誼最深胡可不百不變法乃今增  
 河南靈寶人也先世曰威者仕元議令有司積穀備荒  
 靈寶愛其土風家焉八傳至教諭倉今舍此而別積穀  
 尚書謚襄毅曰進襄毅娶于張繼屯田發銀三十萬兩  
 博學弘治乙卯以戴禮魁於鄉明儲非計凡所規措務  
 推官召為監察御史襄毅位冢宰貽害也以塩法久滯

翰林編修時逆瑾擅政怒襄毅不行聞高大夫夫人病疏  
詔罷之而並出公為臨淄知縣丁毀踰禮時吏部缺尚  
按察僉事陞副使理海道改山西公俟服闋蒞事既至  
而後文藝士習丕變歷陞四川叅無故改調之途抑奔  
布政使召為光祿卿轉刑部侍郎績加太子太保己亥  
分合公上疏曰分祀者致嚴辨之巡疏節程途以保  
之妙也昭格天地不在禮文而在災引咎乞罷詞甚切  
是揚州商袁英者武廟南狩錦請而意不釋吏部復  
勢矯詔籍其家至是英妻訴聞 泣事至則條奏諸弊  
何處為快持計公不為動竟宣 大載考績加太子太

學士入閣 太廟成加  
無何病作乞休遂有賜 命出 金遍惠鄉  
族曰吾不忍自私也又助修孔廟山川壇歲旦暨 聖  
節必扶掖北嚮稽首祝賀不少廢疾革則謂諸子弟曰  
吾父子兄弟俱列上卿吾以涼德受 主上寵甚渥知  
甚深故數履危機卒賴保全今已矣爾輩有官守者當  
思圖報速卒距生成化癸巳七月四日得年七十有六  
公歷官五十餘年晚荷隆遇凡大典禮多遣命將事其  
錫早飛魚之服銀瓢彩帶及白金綺幣不可勝紀公兄  
弟八人兄誥南戶部尚書弟論兵部侍郎餘並登仕籍

配李氏累贈一品夫人先卒夫人生子二長備早卒次  
 即俱承歷歷官知府未任改禮部員外郎以四品服葬  
 中書舍人事女三塔都指揮張蓋臣監生張良士舉人  
 王陽孫男二茂祿茂禎公德性溫粹意氣凝定坦夷康  
 樂而徑渭不淆直率徑盡而應變無窮蒞官翼翼小心  
 以不欺不怠為主在吏部前後凡十年每銓注必論不  
 高下與地繁簡兼風土南北而劑量之要諸司公而怨  
 或避以細故飛語悉置不行以是人德之好著述老而  
 不倦所著有松臯集續集讀史詩論五經臆說三書壽  
 壽君子卷馬平公之

家庭懿行不可殫述乃予特撮其大者云

嵩華之間河洛濱桃林蔥鬱佳氣屯元戎卜宇貽慶  
 有來八葉開祥源名世者出勛業掀縷級軒駟輝盈  
 公尤行業軼弟昆粹資雅韻同瓊璠銜繼秉譽望  
 遂忝鈞軸入台垣聽言藹若春風溫謹議勃發洪河奔  
 豐功偉績銘彝敦上書謝病卧邱樊抱忠耿耿歸幽  
 上聞悼郵恩禮繁心事曠曠如朝曦浩然正氣還乾  
 坤直騎箕尾謁帝閣扶翊邦國保元元神之下上公猶  
 存

鈐山堂集卷第三十四

鈐山堂集卷第三十四

神道碑

明故吏部尚書致仕贈太子太保謚文莊羅公神道碑

明故資政大夫戶部尚書兼翰林院學士贈太子太保謚文敏李公神道碑

明故資善大夫太子賓客南京兵部尚書贈太子太保謚文定張公神道碑

明故通議大夫詹事府詹事兼翰林院學士贈禮部右侍郎謚文裕陸公神道碑

鈐山堂集卷第三十四

光祿大夫太子太保吏部尚書贈少保謚文憲唐

公神道碑

鈴山堂集卷第三十五

神道碑

明故吏部尚書致仕贈太子太保謚文憲羅公神

道碑

有明宿德碩儒曰太宰整菴先生羅公以嘉靖丁未四月二十四日卒年八十有三初公致仕天子特給月廩歲隸以示優禮既登八袞詔遣守臣奉牢醴及門存問仍加賜廩隸至是訃聞詔賜諭祭命有司營葬贈太子太保謚曰文莊蓋褒賢崇德之殊數也君子謂惟公實克稱之公風格峻整雅操貞肅淮則崇節振邁

而毗於國退則遵養純固而範於鄉談道著論則言爲代之師反躬實踐則行爲物之軌好學不倦不知其衰耄之將至者耳公諱欽順字允升吉之泰和人少卽端重殊異年十四題其門有勉勉於仁義之語舉弘治壬子江西鄉薦第一明年入奉廷對賜進士及第授翰林編修每朝退則閉戶讀書不事交謁已巖然有公輔之望擢南京國子司業正容端則六館以肅蘭溪張公懋爲祭酒深見信重事多咨公而行以父粟齋翁年高得請奉歸留侍久之不忍去因疏乞終養而逆瑾怒奪職爲民墮誅復職由南京太常少卿陞南京吏部右侍郎

改吏部右侍郎今上卽任轉左侍郎前後連攝御篆

甄別人才咸極精當時論稱重克實錄副總裁是時粟翁年益高公歸養之志益切拜南京吏部尙書抵任卽馳疏乞休便養詔允之旣而召改禮部尙書未行丁粟翁憂服闋仍以禮部起公未至復改吏部而公具疏懇辭於是得旨致仕蓋公審時直已不苟慕榮利如此自是江右部使兩都臺諫章數十上無識不識罔不冀幸其復出乃公則屏居卻掃惟研精聖業窮探理性患近時學者持論高虛不屑古訓簡約是趨其流之弊將墮入虛誕作困知記若干卷其言議精微衍奧根極理要

辯禪悟之學近理似是而斥其毫釐千里之繆時習波  
頹我獲無易於戲道之不明智巧橫出古之聖哲罔不  
戒慎省察率諸終身而不足今之論者以謂圓明朗徹  
取諸一言而有餘其學術共同世之君子必有能辯之  
者考公平生自史館以歷國學則士行雍規由以丕變  
由奉常而陟少宰則官常國是倚之取平中更仆抑秉  
志弗渝榮進屢辭去就惟深然公雖蚤退而考論政務  
之得失究心生民之休戚固未嘗一日不以天下爲念  
也每平旦衣冠升學古樓齋從入叙揖畢端坐觀書雖  
獨處無惰容食恒二簋服無侈麗居無臺榭講集無聲

樂宗戚率之而興於孝敬鄉閭則之而化於禮讓子姓  
僅孺罔不守其約而歸於謙靖謹飭初公昆季二人並  
起高科季弟中丞先卒仲氏憲使公亦未老乞休德義  
相淑怡怡如也方屬疾乃自作誌繼以二絕皆正家之  
語疾亟舉手正中而卒曾祖諱寧祖諱鐸縣訓導父  
栗翁諱用俊由鄉舉歷任國子助教祖及父俱以公貴  
贈通議大夫南京吏部右侍郎妣皆淑人元配曾氏繼  
配李氏贈封皆淑人子二人長琰引禮舍人次珩馬湖  
知府孫男七人備份企佶偲位似曾孫男一人將以某  
年月日塋公於邑桃岡之原子珩銜哀屬辭刻諸隧首



之碑尚昔繫籍諸生嗣在詞垣曲承獎挹顧茲無似有  
忝誨言爰述蕪詞以列休美而著其所以爲學者特詳  
焉亦以見公之志也銘曰

維聖有學一理萬殊明誠兩進斯壹其趨世則多岐所  
尙滋異欣妄嗜新其說孔熾不有碩哲孰閑斯潰翼翼  
太宰夙志斯道深造敏求繇壯至老不踐宰政卒隱其  
身名振當世行高古人罔知有記昭我塗軌折衷群言  
析入毫縷大耋年踰踐修不已公雖退佚物望愈崇公  
既逝矣 皇眷愈隆昔也存問光勳宸綸今也卹哀澤  
濡泉扁進則伊臯退則關洛循道立言以惠來學典刑  
日遠梁木斯摧勒此信辭萬禩無壞

明故資政大夫戶部尚書兼翰林院學士贈太子

太保謚文敏李公神道碑

嘉靖甲辰七月一日戶部尚書兼翰林院學士蒲汀先  
生李公卒于都城之里第享年六十四其年 月 日  
塋于城東樓子庄之原其塋也詔工曹營兆禮卿論祭  
宮保有加贈之官文敏有易名之謚可謂榮哀備至也  
已維李氏之先山東濮州人高祖諱義洪武中以人材  
徵辭不願仕克錦衣衛校尉義生俊俊生賢相繼補衛  
役占籍京師行高名卑至公之考杏岡先生諱瓚舉弘

治丙辰進士仕至資政大夫戶部尚書遂以大其門厥  
考若祖贈皆如其官公諱廷相字夢弼其始襲世德之  
懿浚之淵洪以博其慶承家學之芳殖之茂實以暢其  
華踰冠遂舉弘治辛酉鄉薦明年入對大廷賜進士及  
第第三人入翰林爲編修當是時以妙齡魁上第地望  
高華詞彩駿發若虎鳳躍而鸞鶩耀儕輩讓其先登章  
縫歆其世美然公負直不阿致忤權宦有兵曹郎中之  
改逆監旣殲舊物旋復於是翺翔禁庭揚厲詞苑經帷  
勸講則善道日陳史局編摩則閱詞獨擅文闡校閱則  
品藻稱當由春坊中允進侍講學士休聲載起顯位伊  
始於是有南銓少宰之擢可尚書公憂繼丁母憂服闋  
簡貳夏卿旋改春部遂正拜司徒督儲于太倉視農于  
西苑公本行從儒臣未經民務然所試輒效若老於吏  
事者於是仍兼學士加太子賓客有入視部篆之拜公  
經營國計料理邊儲殫竭心力舊痾間作抗章乞休於  
是有碧山之棲其所隱處鑿山架亭花木森秀峰壑遶  
軒泉石在戶公酷嗜法書名畫日娛其中以肆繙閱杜  
門却掃遵晦辭榮然臺諫有連疏之薦絲綸有光起之  
命時方引領商鼎調梅巨川作楫詎意其萎入夢不憇  
與諫縉紳之士咸悼歎焉公自史館至學士凡分校禮

闈者三主應天試者一主禮闈試者一中以病在告者  
六載連居三艱暨乞休家居復五載故論者不能不以  
未究其用爲憾然以公之材襍被夏曹則暢理甲兵之  
務綰符民部則優通錢穀之方遇事必解才猷練達不  
獨以淵學英藝見稱而已至其衡量所收知名實望之  
士列朝著布藩維者相望則其功之所及於邦國烝民  
益不可泯也公亦奚憾哉公前配侶氏繼夏氏劉氏贈  
封皆夫人有子曰重恩先卒次孝元應補國子生聘衍  
聖孔公聞詔女俱劉出女三長適都御史張檉子文進  
次未字次許聘尚書鄭近菴子珠惟晉乙丑歲公分校

禮闈予時在諸生後翰林有遊從之雅禮曹有寮案之

誼孝元以神道之文爲屬嗚呼可無辭乎銘曰

尚書六卿率屬分治司徒地官以掌邦計衆選於才軼  
登大吏能陟惟艱矧乃相繼悠悠李祖積行純異以材  
見徵寧役弗試暨予聞孫實大而肆再世崇階先後是  
似詩詠緇衣周鄭之世猗嗟李公厥美攸嗣公起文儒  
振藻奮藝乃飭兵戎乃理民事遊亦恢恢綽有餘地晚  
釋鞿帛從心所嗜逸步斯淹長川永逝 帝命有隆褒  
卹旅至城東之塋壤樹以制豐碑峩峩螭首雙峙述行  
紀詞用詔來禋

明故通議大夫詹事府詹事兼翰林院學士贈禮部右侍郎謚文裕陸公神道碑

儼山先生陸公既卒且葬其子楫屬予書諸隧首之碑於是楫哀公遺文刻之曰賦詩歌行樂府曰表疏頌贊議辯銘解記序雜文碑誌表狀凡一百卷又所著述曰詩微曰書輯曰道南三書曰河汾燕閒錄曰史通會要曰蜀都雜抄曰平湖錄曰詩準予得編讀之曰富哉文也然而辯博宏偉馳騁恣肆若泉涌而山出其紀載時事沉鬱雋永若咀炙鬱而有餘味其詩清拔俊逸若芙蓉之濯朝露而丰茸豔彩奪目可謂虎踞詞林鸞翥文圃者矣公始發解南畿舉進士入翰林文章名聞軒然重天下是時孝皇御極朝廷清明百官各安其職得以其餘肆力於簡冊翰墨之間諸司各屬往往名雋崛起而與館閣之士爭衡而並馳公於時翹然特出揚英振華每篇章一出人爭傳誦之蓋公於書無所不讀抉隱而鈎其玄與李空同徐廸功諸子上下其議論至於字學妙逼鍾王比於趙松雪公每臨書日數百字過同舍見鬚几輒縱爭塗寫旁若無人既本於天質之高邁又輔以學力之勤篤得於朋友之切劘故其問學之宏博書法之精絕皆有所自世之士束書不觀獨學寡聞

欲望公之堂與其可得耶公磊落瑰奇嬉笑成文有蘇長公之風其品隲古今商確事理賞析文義辯識書畫古器談鋒灑然一座盡傾天下之士聞其名而慕往揖其貌聽其論而驚以伏也公自翰林編修陞國子司業丁父憂家居數年以延臣薦起入備講讀遂陞祭酒一日經筵進講內閣閣公講章輒加竄易公講畢而奏云今日講章非臣原撰乞自今容講臣得盡其愚上雖可之而經筵而奏非故事公出上疏謝罪上覆批答以講章內閣閣看係舊規不必更改果有所見當別具聞公感發條奏有關聖學事凡千餘言上之當路益忌之疏下吏部左遷延平府同知蓋公奇節高行不苟同於衆類如此陞山西副使提學陽曲生員父爲知縣笞死訴於御史趙反抵生罪公曰父死非辜人子不共戴天奈何罪之與力辯不合卽上疏劾趙趙亦劾公已而科道官勘實趙謫外任公得復職補浙江副使仍理學政陞江西叅政陝西右布政未履任轉四川左布政公自翰林出歟歷藩臬卽刑名錢穀甲兵之事若素習然在江西決淹獄數十民德之蜀威茂諸夷作亂朝廷命將進勦公移文總兵何卿凡數千言洞悉夷情曲中事機當事者多采用其議復悉力調度兵食未幾夷患悉

平召爲光祿卿內閣疏薦領修玉牒改太常卿兼侍讀  
學士扈駕幸承天給行在邸御筆署公銜去侍讀二字  
改行在翰林院學士陞詹事府詹事 宗廟災詔百官  
修省於是公疏乞休詞極懇切乃得旨致仕云嗚乎始  
公入翰林以文章名繼出補外則優政事晚歲召還旣  
升華選曾幾何時乞身以退所謂討論潤色之才彌論  
經濟之用皆未之究豈不重可惜哉公諱深字子淵姓  
陸氏學者稱爲儼山先生其先華亭人曾祖曰德衡始  
遷居上海之泮涇祖諱璿考諱平俱贈如公官前母瞿  
氏母吳氏俱贈淑人公生歲化丁酉八月十日其卒嘉  
靖甲辰七月二十五日也享年六十有八配梅氏封淑  
人子男一卽懋庵補國子生好學而文得公家法女一  
適貴州布政司副理問瞿學召公卒之明年葬于上海  
黃浦之原朝廷遣官營葬賜祭及贈官易名卹典賁臨  
其可無憾也已嵩憶在弘治壬戌春會試識公于海衛  
之間傾蓋如平生是歲並下第歸歸則約次年必偕來  
已而果如約同寓邸同舉進士自是出必聯騎居必連  
榻公才氣俯一世顧以予之不類獨不鄙辱爲知己括  
弱鏃礪蒙益爲多然追念疇昔同遊之士冠佩如雲文  
采風流照映一時今則零謝無幾矣荒鄙之詞何能爲

九  
後楫數以書請誼不忍辭則技淚叙之而系以銘以致  
予思亦以慰公于地下其辭曰

大江之東環吳淞蘊靈標異秀所鍾實生哲人爲時宗  
崛起一代稱文雄弱齡獻賦明光宮雲夢七澤蟠心胷  
揮毫落紙輝晴虹厥聲四溢何泯泯文章有道用乃弘  
屬詞紀事氣以克美哉東序列大鏞爰振文鐸鳴西靡  
倏然翊翼下鰲峰武夷雲谷留其蹤五臺三晉馳行驄  
岷峨萬叠觀芙蓉晚歸西掖慶遭逢 屬車南狩載橐  
從玉堂視篆承恩隆遄歸三逕哦菊松浩然雅志猶冥  
鴻大星夕隕遽閔凶天下學士皆哀悃公神洋洋升大

空或乘麒麟跨龍下上寥廓隨雲風健視冥冥  
濛厥名不滅垂無窮

明故資善大夫太子賓客南京兵部尚書太子

保謚文定張公神道碑

嘉靖甲辰十一月七日酉部大司馬甯川張公卒于位

訃聞 上悼惜謚 賜祭葬如例贈太子太保謚文定謚

按純德不爽曰定 蓋美稱焉而得此有鮮矣以丁未正  
月六日葬公鄞縣 雲麓溪之金文曰嗣子子中來請文  
以刻諸神道予與 公同舉進士同被選入中秘公年少  
予予而器度溫粹 造詣純篤予逸不能及也中更多故

晚歲方幸同升詎意濫先以歿則余何可不銘公亦何  
恐遽銘公也哉公諱邦奇字常甫系出宋魏國忠獻之  
後始祖原一淳熙間自臨安徙槎湖遂世居鄞曾祖諱  
純祖諱忱考諱時叔鄉人稱爲洞雲先生余嘗銘其墓  
祖父俱以公貴累贈太子賓客吏部左侍郎兼翰林院  
學士公弱冠舉于鄉卽有重名與同邑聞靜中汪與成  
余子華相麗澤時稱四友後皆至顯官公始爲翰林檢  
討居三載以親老疏乞便養出補湖廣按察副使督學  
政公重行誼精鑒別風教大著旣又以親久居楚思鄞  
謀乞解職予使鹽西與公過於衡嶽之下階處十日其  
後公遂歸鄞是時公杜門却掃無親者書有終焉之志  
矣迺益務覃究性命之學所著大學中庸五經諸說學  
者傳之嘉靖改元用席文偉薦復起爲四川提學至則  
關大益書院選髦俊以受其業楚蜀之士出公門多顯  
者公以親年益老復乞休銓部奏改提學福建便之尋  
擢左春坊庶子兼翰林侍讀未至陞南京國子祭酒公  
身示教不設榷禁四方士翕然雲集慶得師焉陞南京  
吏部右侍郎丁憂憂服闋召爲吏部右侍郎轉左卽攝  
部篆抗節持衡雖窒迕弗撓旣而以本官兼學士堂院  
事簡充經筵日講纂修玉牒戊戌主考會試所錄多名



士已亥册立 皇太子特加太子賓客掌詹事府事  
 上南狩承天命攝禮部篆嘗遣奉先代祀涇藩題主先  
 師釋菜皆被特命恩遇甚隆是時公母太夫人年踰九  
 十公懇疏乞歸 上不允溫旨慰答曰大臣祿養壽母  
 自古治朝則有之時以為榮歷侍郎九載進禮部尚書  
 仍掌詹事然公恒思將母而南銓部奏遷公南京吏  
 部尚書尋改南京兵部叅贊機務公至簡士伍飭法禁  
 威讐惠浹兵民肅然居數月竟以疾逝距生成化甲辰  
 五月得年六十有一元配王氏繼陸氏贈封皆淑人子  
 男六子中出為伯 死後而以公授中府都事次子

國子生次子觀子恩子楨子昭女三余九章陸滄萬來  
 章其瑒也公天性純孝事親至老彌篤初任時伯兄自  
 家來視得疾道亡公感痛終其身事嫂如母與人交和  
 平長厚未嘗與物忤以故人皆敬樂之為文章根切理  
 要豐蔚典則所著有觀光紆玉養心環碧等集若干卷  
 行世讀其書當有識其所存者云論者曰乙丑之試得  
 士為多若公尤卓偉不羣者也然柄用方隆而奄忽徂  
 終伴朝失良臣士隕令範凡百君子罔不爽然悲焉銘

曰

士所自力在行與文本實既端斯顯於聞鄰有張公純

稟天至惟古是師卓有立志踐揚中外翰苑儒臺遂陟  
成均有俊達材惟 聖簡知荐膺寵秩慎密溫恭亶時  
正直詩詠孝德如珪如璋允也吉士邦家之光雲龍之  
原谿谷盤鬱永安其藏過者爲式

光祿大夫太子太保吏部尚書贈少保謚文襄唐

公神道碑

今制大臣於歿既得請祭葬矣其易名以謚則稽德視  
功出 宸斷不輕畀也凡館閣侍從之賢廼得謚文部  
院諸曹間有得此者自 祖宗朝迄今不數臣焉若吏  
部尚書唐公其一也公少從學楓山章文懿公之門得  
其淵源學優行縵爲文章謹嚴典重有左氏先秦之風  
精詣閎肆號稱作者歟歷中外隨試輒效聲聲奪然而  
西師俘馘之功爲多 上賜謚曰文襄君子謂公是以  
當之無忤云先是公任冢宰遭疾乞休弗許固請忤  
上意詔削官以歸公昇出都門二十里逆旅舍申亡矣  
後四年其仲子汝楫舉進士第一授翰林修撰始具疏  
叩閣述公前疾及道卒之狀以明不欺 上復公官加  
贈少保遣祭營葬祔典駢及有歿湮鬱一旦伸雪時論  
快焉汝楫則請予泣請文以作公碑公諱龍字虞佐浙  
蘭谿人也曾祖諱仕新祖諱賢思州推官考諱學俱以

公貴贈光祿大夫太子太保兵部尚書妣皆一品夫人  
公正德戊辰進士釋褐知鄒城縣鄒單散流賊且至公  
集壯丁守無敢睨城第掠境上去公追殺數十人賊怒  
復還公督戰又斃其驍勇數人以有功旌稱能令召擢  
內臺風裁俊整按滇南數上封事諫巡遊斥嬖倖率人  
所難言言之剴切按江西逆濠之變甫平禁兵在境爲  
患公禁不得逞疏請班師民獲安堵守正助逆之人明  
析功罪無遺慝無枉良又人所難處處之克當稱名御  
史督學於關中也校文貴雅正品士先器識稱知人掌  
憲于三晉也義感囚徒明燭誣獄稱名執法以太僕卿

徵尋擢僉都御史總漕運既又以副都御史召入臺又  
擢吏部侍郎會關中告饑西陲多警上知公可屬以  
大事也拜兵部尚書兼右都御史總督三邊軍務公馳  
赴賑卹病者與流者復一時將佐推誠置腹咸樂爲用  
乃閱兵三萬出塞直指陰山軍容震耀虜驚遠遁自是  
犯寧夏則有柳門之捷犯延綏則有清水之捷吉囊自  
將十萬犯安會則有興武有乾溝之連捷一呼而將士  
羣附二旬而露布三騰前後奏記爲俘獲爲首級幾數  
百奪夷器無算兵部上其功有爵封武廢之請不報  
召還爲刑部尚書劉源清以討亂卒過嚴劉淑相以奏

評執政皆坐重典公論救得未減執憲持法權勢庇援  
無所避 九廟成覃恩宥大禮大獄諸臣得放歸者二  
十餘人公有力焉而公以母太夫人鄭年八十餘懇乞  
終養 上賜給驛歸朝野榮之然臺諫僉謂公當及時  
柄用不宜聽其自便薦章交上 上亦思公起爲南京  
刑部尙書尋改南京吏部未行改兵部尙書趣令赴任  
公感激奉太夫人以行至則謂制敵在任將請待邊更  
文法少寬故諸宿將逮繫廢黜者皆得錄用加太子太  
保冢宰員缺輿論屬公公既受命一以以人事君爲任  
驟才望崇恬退接帶 幽錄廢棄疏舉四十餘人無何天  
不憖遺哲人云萎識 與不識咸憚惜焉所著有易大書  
歷官奏議漁石集行于世公卒以嘉靖丙午七月十九  
日距生成化丁酉享年七十配徐繼劉先公卒贈封皆  
一品夫人子男七汝器國子生次卽汝楫次汝舟舉人  
次汝梅汝渭汝淮皆邑學生女一適國子生朱朝尹孫  
男十二人女三人往予爲編修公爲侍御史獲往還以  
文字相益德義相友予過公邑必登堂拜母交好垂四  
十年而公今不可作矣能無悲乎公懿行不能悉著著  
其大者以示後而公母太夫人及見汝楫登第年九十  
五而終亦以汝楫疏請得蒙 卹典榮哀備至足以慰

公于冥漠矣汝楫乞假歸葬公于近郭觀山祖塋之次  
從公志也銘曰  
有偉唐公時鮮克儔保乂王室文武具優如堂隆棟如  
川巨舟發爲文詞商鼎夏卣如彼武庫而森戈矛作時  
宗工媲美前修澄政泄事剴決靡留張弛咸宜不競不  
隸施以治軍條策書籌決勝罇俎褫魄旆裘功弗及賞  
歸怡林邱國倚老成維舊是求入正銓衡俊乂甄收碩  
人云亡邦家之憂帝念往勩無德不酬錫贈易名寵數  
疊稠豐碑琢詞言樹道周以揚其休以告諸幽

鈐山堂集卷第三十五

鈐山堂集卷第三十六目錄

神道碑

大明追封奉天翊運推誠宣力武臣特進榮祿大

夫昌化伯邵公神道碑

大明贈特進榮祿大夫太傅兼太子太傅成國公

謚榮康朱公神道碑

特進光祿大夫柱國大傅兼太子太傅駙馬都尉

京山侯贈左柱國謚榮恭崔公神道碑

榮祿大夫後軍都督府右都督掌錦衣衛事贈太

子太保陳公神道碑

明故光祿大夫柱國少保兼太子太保兵部尙書  
贈太保謚恭襄張公神道碑

明故太保兼太子太傅平江伯贈太傅謚武襄陳  
公墓誌銘

東卷第三十一

神道碑

大明追封奉天翊運推誠宣力武臣特進榮

夫昌化伯邵公神道碑

聖天子弘化中興因心篤孝蓋嘗仰體 皇考獻皇  
追本之意以遵奉 聖祖母太皇太后者無所不至  
推 太皇太后所自出凡褒卹典禮循先朝待外戚  
事而行者亦無所不至故昌化伯邵公暨夫人楊氏  
雜 太皇太后之考妣也先是公與夫人俱早逝權  
于錢塘北山之青芝塢乃嘉靖己亥公之孫錦衣指

臣輔具疏以聞詔守臣擇地于西湖南屏山之麓而  
葬焉既命工曹往董其役又賜諭祭一十四壇給供  
田八頃建祠墓下賜額曰發祥表以石坊中爲勅命  
亭繚以石垣湖山抱揖實據佳勝而臣嵩承命撰文  
諸神道謹按邵公諱林字懋清一字宗茂其先洛陽  
也曾祖某徙揚之興化縣祖壽再徙杭城父義母彭  
公少而岐嶷長而魁梧個儻有大志好善敦義楊夫  
式克相之嘗夢鳳鳥翔于其庭而臣太皇太后生天  
庚辰被選入內庭事憲宗純皇帝誕育獻皇及  
破惠王雍靖王進封貴妃於是贈公爲昭勇將軍  
衣衛指揮使楊爲淑人今上臨御上皇太后尊號  
曰壽安皇太后已而加尊孝惠康肅溫仁懿順協天祐  
聖大皇太后進贈公爲奉天翊運推誠宣力武臣特進  
榮祿大夫柱國昌化伯楊加贈夫人自公高祖王父而  
下咸錫贈封而官其子姓諸從湛恩鴻龐覃被一門  
戲盛矣昔有周詩人詠歌文王之德必本於摯仲兵  
又曰思齊太壬文王之母以見文王之德之所以成  
由於聖母之德行純備有以致之也我皇考之德  
媿文王太皇太后之懿增光京室植本瀦源鍾靈  
羅繼摯壬而有作非公與夫人協德之慶哉臣謹

叙次如右而為銘曰

維昔太妊嗣徽周姜詩詠思齊姬祚以昌維我 太  
妻壬是則實生 睿考備有聖德自天眷命濬發其  
應圖受祉肇啓我 皇惟 皇達孝推本所自貢錫  
門施及孫子爰命有司飭其祠墳殷禮備陳俎豆欣  
公歿雖久厥澤惟新顯盛光大世莫與倫屏山蒼蒼  
水之涘伉儷同藏風氣攸萃輔 臣奉詔勒石道周承  
後人以贊碩休

大明贈特進榮祿大夫太傅兼太子太傅

謚榮康朱公神道碑

榮康朱公以 靖丙申春將事 孝陵道病召

七月六日薨于正寢訃聞 上震悼輟朝賜棺

司治塋諭祭如制贈太保榮康其賜謚也其子希忠

以 月 日既葬公于懷柔縣北澤山欽賜先塋之

及希忠嗣爵以恭恪慎勤為 上所特眷簡入內直

夕左右加食祿至一百石賜肩輿賜內乘馬仍推恩

其三世於是榮康公得進贈特進榮祿大夫太傅兼

子太傅誥詞有曰丕懋之勳揚于當世未盡之祉

後人蓋異典云希忠將樹隧道之碑以彰榮寵昭

乃請予請曰先人奄棄希忠等幼稚未能即事墓



表用是久虛深惟先德弗耀遐永是懼敢茲以爲  
昔於榮康公數得承顏色知其平生而與今太傅公  
直其事重之姻好則所以書公之碑者其曷可辭謹  
朱氏之先鳳陽懷遠人六世祖亮任燕山護衛副千  
子能嗣其職從 成祖決策靖難功第一封成國公  
封東平王謚武烈子勇嗣從 英廟北狩死兵間追  
東平王謚武愍子儀嗣留守南京卒謚莊簡子輔嗣  
守南京加太子太傅佩平胡將軍印卒贈太傅謚恭僖  
張子麟嗣麟卒無後而公恭僖次子也乃嗣兄曾公諱  
子鳴周早逝 史勤學好問識達大體以清慎自持

風雨寒暑不廢 朝謁初管五干營亟議修馬政費軍實  
撫疲甯蓄壯銳營務隼新又上備邊禦虜七事皆精練  
剴切爲當事者所格然言官自是交薦公矣是時 上  
方勵精鑒別羣臣以公爲才寵異之禮部請朝儀詔以  
公勲舊重臣充班首 上親祀郊廟以公守承天門  
舉大祭祀皆遣公行禮册封宸妃克正使屢荷金幣  
服鎧劍書籍及人口之賜册封荆王復克正使所  
郡嚴約下人贈遺皆却焉甲午春推公南京守備  
用公掌中軍都督府事嘗因災變特疏求退蓋前  
臣無引災自陳者 上益賢之既又以疾乞解政

勸令少須公曰府營重寄豈養疾持祿地耶 上察  
 誠聽罷府事而公薨矣公孝友天至母張太夫人  
 言及輒悲感事恭禧公無故不去側侍賓客執禮  
 懈父疾籲天請以身代及卒哀毀逾禮後淮中府  
 悲曰是先人所嘗履者初兄麟以逆瑾誣革勳衛  
 爵或者謂公次嫡宜嗣公避嫌去之南京居焉麟  
 日落多所假貸公悉代償之麟奉使承天寢疾  
 江兼程往祝護其喪以歸仍持服三年曰吾兄之  
 也撫庶弟馮教養尤至羣從貧乏者為經紀其  
 也然性儉約無他嗜好獨重  
 世手澤珍惜尤甚蓋公率德敦行樂善踰七厥  
 壽僅五十一而終時論惜之然有今太傅公受知  
 上寵綏眷遇之隆世無其比則豈非天道福善之  
 公元配白氏尚書恭敏公珪之孫繼徐少師文靖  
 之孫又繼楊及陳而白楊皆封成國夫人陳為睢  
 榮靖之曾孫今加封成國太夫人于男三長即太傅  
 忠次希孝以平陰死事錄授錦衣勳衛今官都指  
 管衛事次希祖孫男一人時泰銘曰

於赫 文祖造我邦入靖內難開虞唐天挺羣策  
 翊東平武略何洗洗摧堅陷敵維鷹揚昨列茅土

王盟存帶礪券冊藏平陰邁會時勳勳提兵沙漠殂  
荒慶流亂嗣燁以昌五葉濬發稱榮康淳朴內蘊含  
章 皇曰臣哉爾惟良大廷朝謁首班行屬司材官  
蹶張明禮遣代奉珪璋恪秉精白忠勤將急難喜施  
問彰鍾祥篤柴歸義方楚楚太傅金玉相入侍帷幄  
贊襄 帝追先烈恩露灑龍章褒錫泉臺香穹碑仵  
山之岡勒銘載德揚耿光世世與國同無疆

明故特進光祿大夫柱國太傅兼太子太傅駙馬

都尉京山侯贈左柱國謚榮恭崔公神道碑

嘉靖己酉夏六月 日京山侯崔公卒于位訃聞 皇

上嘆悼輟視朝一日錫之贈謚賜諭祭一十六壇命江

部給棺槨營葬事公在弘治間尚 永康大長公主

孝宗皇帝之女弟也先是戊申十月主薨賜葬于都城  
南下馬社椽子口之原至是啓壙而合葬焉其隧上之  
碑宜有文公子驥徵以請於予比年予與公同內直又  
與公甥壻衍聖孔公聯姻好弗可以辭謹按狀公諱元  
字懋仁太原代州人也曾祖諱璟隱德弗仕祖諱震也  
東秦安州判官考諱儒大學生三世俱以公貴贈京山  
侯加贈太傅兼太子太傅妣俱夫人公少從泰安公  
邸受毛詩尚書泰安公夢有異徵曰是當大吾門乎

被選尙主拜駙馬都尉公美姿儀博覽羣籍善詩賦  
諸貴皆自謂莫及公卿大臣折行輩與之交賢聲愈  
聞于時敏慧有謀朝廷每有大遣命必屬之正德已  
江西逆濠圖爲不軌武皇命公偕都御史顏頤壽  
勅往諭行至浙聞濠已反乃旋武皇晏駕公承  
聖皇太后懿旨齋金符詣興邸奉迎今上皇帝入  
大統上一見知公可屬大事凡有謀議輒咨詢之  
靖敗元以功封奉天翊衛推誠宣力武臣特進榮  
夫柱國京山侯食祿一千五百石賜誥券奉命護  
憲皇太后梓宮葬茂陵又奉命之安陸奉  
神主來京命掌宗人府事止册皇天泰號命公克  
表受使禮成加太子太傳上南幸承天命公偕  
五臣扈蹕騎從途遇親王朝見命行殿侍班上  
侍冊中賜詩命和車駕還京遂命護獻皇后梓  
南祠顯陵事竣慰勞有加自是召直內苑時承  
公明習典制凡有敷對罔不克當上意又時時  
文字悉見采用命乘馬禁中泛舟太液命代拜先  
師于永明後殿命護孝烈皇后梓宮葬永陵皇  
子加冠命克掌冠使上念公等侍直勤勞加公太  
再加太傅再加特進光祿大夫又歲加食米一百石

如白金綺幣玉帶麟蟒之服上尊珍饌異恩蕃賚不可  
勝紀生成化戊戌十二月一日暨卒享年七十有二  
母弟三人允登進士歷官山東叅政克魁鄉薦次光  
早卒公撫其孤咸底成立代之親族待以舉火者尤多  
云長子鳳徵娶尚書劉公舜卿之女長女適安昌伯錢  
惟圻封夫人皆主出俱早卒次子驥徵側室周出公卒  
後上特恩擢爲錦衣指揮僉事次女適平江伯陳公  
長子王謨嗚呼自古尙婚帝室者亦繁矣若乃借老齊  
壽具膺福履會邁興溥篤亂心替茲其尤鮮儷者哉銘  
曰

汾晉毓秀昴辰發祥姿挺鸞鳴才美珪璋爲帝之甥  
館于貳室玉帶蟬冠威儀抑抑運邁昌辰翼龍以升  
勅符載捧江漢徂征迺雷通侯金書錫券酬勩褒功  
帝隆其眷出護鑾躅入奉禁廬夙夜在公勤誠弗渝梁  
木云摧革榮奄瘁纓綬含哀當寧興唱都城之南鬱  
起高墳過者下車眎茲刻文

明故榮祿大夫後軍都督府右都督掌錦衣衛事  
贈太子太保陳公神道碑

今上皇帝入繼大統維時扈從諸臣從龍而起蒙藉靈  
靈薦陟華顯流光錫祚垂裕無窮豈非千載一時之

金寶錄卷三十一  
哉若右都督掌錦衣衛事陳公其一也公諱寅字敬  
其先山東武定州人魯祖垓洪武中以功授燕山左  
副千戶因家京師祖貴父政皆世其官弘治庚戌  
皇帝之國政以才選授管羣牧所事卒于官公襲父  
年二十四卽小心勤事朝夕弗懈人咸以遠大期之  
扈蹕來京遂陞錦衣衛指揮僉事有詔公等子孫皆  
世襲尋命公提督官校管理京城街道又以督理  
工宗廟及皇史宬成陞指揮便管西司房事九廟  
都指揮同知掌本衛事慈寧宮成陞後軍都督  
僉事仍掌衛事奉先殿成陞都督同知皇宮宇  
都督 上恭册皇天太號以公等扈從行勞加册  
級而前後所蒙白金綺幣及羊酒等賜不可勝紀公  
厚簡默器度恢弘果斷剛方事無留滯隨所任使克  
其職以故受 上簡知眷寵特異云歲乙巳公感末  
具疏懇乞解任允之仍命支月俸並級軍校應用公  
疾逾五年嘉靖己酉五月二十八日卒于第距生弘  
乙卯十一月享年五十有五公少孤克白樹立事母  
太夫人至孝撫弟吳友愛備至官躋武階之極而謙  
畏慎安靜老成乞身蚤休優游以終可謂福履之盛  
已曾祖祖考皆封如公之官妣皆夫人配蔚氏封夫人

子男二長翺廕授錦衣衛指揮僉事管南司事次詔玄  
一長適都督沈至次尙幼公之卒也 上聞悼惜遣官  
諭祭營葬如制仍加贈太子太保其年 月 日塋于  
都城崇文門外西郊亭之原而翺請書諸墓道之碑  
乃叙而銘曰

龍躍兮郢中率雲附兮景從公乘時兮奮庸首翺戴公  
輔忠掌禁旅兮維熊恒夙夜兮匪躬沐恩渥兮優隆何  
乘化兮長終 皇軫念兮哀恫賞卹典兮營封侈千載  
兮遭逢勒銘示兮無窮

明故光祿大夫柱國少保兼太子太保兵部尚書

贈太保謚恭襄張公神道碑

嘉靖壬寅冬十月三十日大司馬東瀛張公卒于位明  
年二月二十二日塋于都城南魏村社之原嗣子于中  
等以大宗伯費公所述公事行來泣告曰惟先公受聖  
恩致位本兵夙夜兢兢以不任付託是懼頃因邊患竭  
心籌思廢寢與食陷于疾危馴至大故庶幾所謂鞠躬  
盡瘁者矣惟是墓隧有碑而無辭以白先公之心不三  
孤厥罪云何敢用以請予與公同舉進士同官于朝  
四十年義惡乎可辭謹按公諱瓚字延獻姓張氏河  
滄州人曾祖諱聚國初以功陞瀋陽左衛百戶尋陞

車左衛副千戶祖諱能考諱傑代繼其職三世俱以  
貴累贈光祿大夫太子太保兵部尚書妣俱贈一品  
人公舉弘治乙丑進士選爲吏科給事中歷兵科都  
事中擢通政叅議左右通政太常寺卿陞通政使公  
貌豐碩音吐洪暢進止有儀常奏事廷中 皇上輒  
目視之以戶部侍郎兼右僉都御史督延綏寧夏  
改督宣大軍餉大同軍戕其帥據城以叛時議將  
屠之人心震怒叛者繼起 上旣以失事者置之  
命公爲兵部侍郎兼左副都御史總制其地公計  
渠惡二十餘人而盡釋其脇從者 民乃安堵

自公像祠之由是

土益簡注知公可必屬矣及

廷推提督兩廣軍務會兵部尚書員缺銓部擬四五

上意獨屬公行未數舍召還乃拜爲兵部尚書公

受任殫力圖事安南以其國亂不修職貢者二十餘

於是黎氏以其變來告詔興師討之下禮兵二部議

後凡數十疏乃得俞旨遣文武重臣往宣布德威莫

遣使叩關持表以降公預力焉諸邊奏報至雖事孔

公鎮之以靜凡所題覆籌畫審固動中機宜嘗條陳

六事 上皆嘉納行之丙申秋虜吉囊等屢寇邊境

選將厲械先後遇敵于賀蘭諸山于延綏芹萊河疾



川于寧夏斬獲首級數百丁酉吉囊刺不台冉入寇夫  
同又斬獲二百餘賜白金彩幣廢一子為錦衣千戶世  
襲公嘗涉歷邊境具知輿地阨塞又周于谷謀故能與  
敵制勝如此公每奏用閫帥邊吏畧其細行惟取其有  
智識勇畧足以事事者江洋寇聚衆千人稱亂守臣請  
兵討之公舉草任都指揮湯慶以往人或難之公曰使  
詐使貪兵家常理吾知其能集事耳慶報果平寇公所  
任人多類此當是時 上以本兵務重專意屬公雖時  
有煩言而 宸眷益隆委用益堅先後乞休凡十餘疏  
俱荷溫旨慰留 一車駕幸承天以公留守京師既進位

宮保一品復進少保授光祿大夫柱國扈從 山陵特  
賜飛魚服其他賜賚不可悉紀在部八年事體明練酬  
應曲當字量恢豁不見喜怒之色雖有犯者亦莫之校  
屢獲邊功受上賞福澤充溢光裕前後雖才智所能或  
者謂公器大蓄厚福量所鍾亦詎不然哉生成化丁酉  
月 日卒之日享年七十元配王氏繼楊氏贈封  
皆一品夫人有子四人日子中始襲千戶今累陞錦衣  
指揮僉事日子和申書舍人日子正錦衣副千戶日子  
直冠帶總旗女適朱僉王鎮孫男四人日繼文國子生  
日繼德次尚幼論者曰天之生材於世豈不多乎顧聖

金華卷之三  
十一  
亨豐齋薄厚每不齊公起諸生致位六卿階一品秉臣  
戎政受 上眷注廷臣如公者不多見及其卒也  
為恤然輟視朝一日賜祭九壇贈太保賜謚恭襄恩  
終始極其完備矧夫子孫衆多又皆孝友謙慎克保  
家由是而觀公之得於天者厚矣是豈人力之所可  
而致哉予故論次揭諸石而復系之以辭用以慰公  
冥漠其辭曰 帝都之東瀛海涘蘊靈毓秀厥有自  
生魁岸偉幹體端厚疑重若山峙諫垣銀臺歷長武  
中奏對稱 上旨重瞳屢回勞注視戶曹再命給餼  
狂童斗豨獲莫制轉危為安出謀智殲厥渠魁從百

西民德之競祠祀地 帝簡知眷日起拔置樞曹典兵  
紀肅肅在公靡怠易 運籌決策陳大計猛將材官或  
弛公能用之隨器使西掃長蛇北封豕日南東首獻  
贊違言雖煩據形似 帝明弗貳保終始既踐卿保  
寵祉貴壽考終復多 嗣簪組蟬聯賞延世具集諸福  
克爾城南之阡魏村里 皇典卹加恩備至官有紀流  
詔來禋予忝執筆在太史

附

墓誌銘

明故太保兼太子太傅平江伯贈太傅謚武襄

公墓道碑

太保平江陳公薨 上驚問輔臣高曰圭何遽歿耶  
上神聖文武志殲胡夷而公方受倚注用見悼問乃命  
有司治葬 賜祭十五壇贈太傅謚武襄其子王謨得  
給驛奉櫬歸葬皆殊數也謨且行來乞銘于予初予爲  
祭酒公始襲封習禮成均有師生雅既顯用事予恂謹  
如一日誼故厚已而締婚益親方期其功業未艾而奄  
忽以逝余哭之哀蓋余以老辭四方乞文之請久矣謨  
泣曰先君昔備行間加以微勞自見幸假寵靈思竭力  
禦虜報 聖主育志弗就始未嘗不欲歎慷慨今已矣

非翁言無以慰地下嗟乎予其可辭哉公諱圭字世秉  
廬州合淝人也始祖恭襄公瑄有大功于洪武永樂間  
實始封平江伯高祖佐魯祖裕皆嗣伯爵祖鐸考麟以  
公嗣季父能襲封皆贈伯爵祖妣妣皆贈平江伯夫人  
公始領宿衛掌京營僉書中軍府用臺諫交薦出鎮兩  
廣爲總兵官會封川寇猖獗公上疏請勦督諸將分三  
攻擒渠魁斬數千級俘獲甚衆加太子太保復平三  
慶里隆等賊斬獲如封川加太保復戡賀連賊如柳  
廕一子錦衣百戶三捷皆賜金綺時交夷范子儀等一  
欽廉諸郡黎岐寇璫厓相擗角爲應援公移文安南

統曉以利害使縛子儀來獻而亟出銳師攻黎軍黎  
孤援失不能支擒斬尤多遂靖交寇復廢一子錦衣  
戶加祿米歲四十石粵于今爲要荒封川諸處皆遠  
深菁崖壑蚪互諸蠻夷所窟穴或乘間出剽如飄風  
其東則西遁戢其左則右發號難剪除而前政徒擁  
爲尊大有警蓄縮委艱其下士無肯爲川力者則威  
賊難制獨公善方畧精騎射常與士分甘均苦聞賊  
往環甲上馬彎弓注矢向賊爲衆先士皆增奮無不  
當百者在粵且十年諸所殲小賊不可勝數其大者  
前四征皆蒙瘴霧深入所嚮必克鋒莫敢當

才可任召還掌後軍府會虜數闕諸邊而逆臣鸞勾引  
人犯鴛旣伏法 上益釐正京營之制飭諸武備而提  
督者難其人本兵疏舉二人皆不允 御批特以授公  
公入營問所利病條去其甚者事皆與更始將士懽呼  
稱慶及申號令整約束紀律甚嚴今總督尙書許公論  
時協理戎政與公期戮力滅賊公嘗傾囊養敢死士于  
家所費不貲士皆投石超距方虜犯紫荆攻浮圖峪甚  
急公毅然請出戰本兵以大將居守不宜輕動 上知  
公忠勇特許之廼營于都城外盧溝值虜退而止次年  
虜復犯古北或議當九門列營爲備公以徒示弱無益

竟不樹營而虜亦去蓋其識緩急當機宜如此築京師  
外城公實董其役城成加太子太傅又廕一子錦衣百  
戶云公生正德己巳十二月二十一日卒嘉靖甲寅十  
二月十八日年四十有六元配徐氏太師定國公光祿  
女繼配仇氏皆封伯夫人再配張氏子男五長郎王謨  
嗣伯爵次王烈王猷王制皆錦衣百戶次王言女一許  
聘予孫尙寶司丞紹慶公自幼敏慧喜親墳史性樸茂  
如儒生似不能言至其操執剛挺凜不可奪雖謙抑禮  
士而耻媵媼趨媚之爲不肯苟失足於人以故取忤當  
途屢有建曰爲所抑然公自遂弗悔也夫人仇者逆黨

女弟也公深嫉鴛鴦數入密疏言公短幾中奇禍賴

上明察愈益重公益公以忠誠幹畧受 上簡知非有  
左右先容之者公感激殊遇以身徇國真有馬革裹屍  
之志庶幾所謂國之蓋臣者嗟乎今安有若人哉此予  
之哀之匪爲親暱之私也先是有大星隕光亘數十丈  
古者謂應在大將其然豈偶然哉謨等以明年乙卯七  
月初二日葬公于南京大寧山祖塋之次銘曰  
陳始恭襄昌運是胡治漕通道允底厥績名在冊書萬  
世無斁爰暨數葉式襄是承出鎮南粵益懋威聲孰不  
爲順叛孽以興斧鉞戟轟受命專征乃奮其武采入其

銘山堂集卷三十六  
阻震如雷霆疾于風雨繫其鯨鯢靖我畧土 帝嘉虎  
臣疊奏膚功曰爾其還以翼朕躬獾狁方棘修我兵戎  
公來自南于 帝之所有嚴有翼爰整其旅撫劍長視  
目無醜虜我既有備虜亦遠迹將犁漠庭勒功燕石何  
志之銳乃奪之亟大星曉隕壯業以隳天則弗吊人也  
何爲我懷于公志在匡國矢其謀猷忌者所抑其不能  
者曰匪我方弗摧其剛弗毀其方矧是正直士行之良  
刻銘示後公也弗亡

鈐山堂集卷第三十六

